

ऽएवैनं जुहोति तस्मादाहेन्द्राय त्वेत्यादित्यवतऽइति तदिन्द्रमेवान्वादित्यानाभ-
 जत्यथो तृतीयसवनस्यैवैतद्रूपं क्रियते ॥७॥ इन्द्राय त्वाभिमातिघ्ने स्वाहेति । अयं
 वाऽइन्द्रो योऽयं पवते तस्माऽएवैनं जुहोति तस्मादाहेन्द्राय त्वेत्यभिमातिघ्न इ-
 ति सपत्नो वाऽअभिमातिरिन्द्राय त्वा सपत्नघ्नऽइत्येवैतदाहु सोऽस्योद्धारो यथा
 श्रेष्ठस्योद्धार एवमस्यैष ऋते देवेभ्यः ॥८॥ सवित्रे त्वऽऋभुमते विभुमते वाजवते
 स्वाहेति । अयं वै सविता योऽयं पवते तस्माऽएवैनं जुहोति तस्मादाहु सवि-
 त्रे त्वेत्यभुमते विभुमते वाजवतऽइति तदस्मिन्विश्वान्देवानन्वाभजति ॥९॥ बृह-
 स्पतये त्वा विश्वदेव्यावते स्वाहेति । अयं वै बृहस्पतिर्योऽयं पवते तस्माऽएवैनं
 जुहोति तस्मादाहु बृहस्पतये त्विति विश्वदेव्यावतऽइति तदस्मिन्विश्वान्सर्वान्दे-
 वानन्वाभजति ॥१०॥ यमाय त्वाङ्गिरस्वते पितृमते स्वाहेति । अयं वै यमो यो
 ऽयं पवते तस्माऽएवैनं जुहोति तस्मादाहु यमाय त्वेत्यङ्गिरस्वते पितृमतऽइति
 यज्ञस्य शीर्षहिन्नस्य [रसो व्यक्षरत्स] पितृनगहृत्तया वै पितरस्तानेवैतदन्वाभज-
 ति ॥११॥ द्वादशैतानि नामानि भवन्ति । द्वादश वै मासाः संवत्सरस्य संवत्सर
 एष य एष तपत्येष उ प्रवर्ग्यस्तदेतमेवैतत्प्रीणाति तस्माद्द्वादश भवन्ति ॥१२॥
 अथोपयमन्या महावीरऽआनयति । स्वाहा धर्मायेत्येष वै धर्मा य एष तपत्येष
 उ प्रवर्ग्यस्तदेतमेवैतत्प्रीणाति तस्मादाहु स्वाहा धर्मायेत्यवरऽ स्वाहाकारं क-
 रोति परां देवतामसावेव बन्धुः ॥१३॥ आनीते जपति । स्वाहा धर्मः पित्र
 ऽइति यज्ञस्य शीर्षहिन्नस्य [रसो व्यक्षरत्स] पितृनगहृत्तया वै पितरस्तानेवैतत्प्री-
 णात्यवरऽ स्वाहाकारं करोति परां देवतामसावेव बन्धुः ॥१४॥ नानुवाक्या-
 मन्वाहु । सकृदु ह्येव पराञ्चः पितरस्तस्मान्नानुवाक्यामन्वाहातिक्रम्याश्चाव्याहु
 धर्मस्य यजेति वषट्कृते जुहोति ॥१५॥ विश्वा आशा दक्षिणसदिति सर्वा आशा
 दक्षिणसदित्येवैतदाहु विश्वान्देवानयाडिहेति सर्वान्देवानयाक्षीदिहेत्येवैतदाहु